

# Peniaga pasar borong ikut arahan

*Menteri membuat lawatan mengejut awal pagi di pasar borong*

NURULATIQ AHMAD BANDI

KUALA LUMPUR

**M**enteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail melakukan pemantauan mengejut di Pasar Borong Selangor di Seri Kembangan di sini sekitar jam 4 pagi semalam.

Dalam lawatan itu, Saifuddin bersama pegawai penguasaan kementerian meneliti pergerakan harga barang selepas tamat tempoh Skim Harga Maksimum Musim Perayaan (SHMMP), menilai kepatuhan terhadap undang-undang serta mendapat maklum balas daripada peniaga dan pengguna.

"Alhamdulillah, hasil pemantauan mendapati harga barang keperluan masih lebih kurang sama dengan harga semasa tempoh pelaksanaan SHMMP. Belakangan juga mencukupi dan kualiti barang jualan juga tinggi."

"Saya ingin mengingatkan para peniaga supaya tidak menaikkan harga sewenang-wenang-



Saifuddin (dua dari kanan) ketika melakukan pemantauan mengejut di Pasar Borong Selangor di Seri Kembangan awal pagi semalam.

nya walaupun tempoh SHMMP telah berakhir. Peniaga juga harus patuh terhadap undang-undang pengguna seperti meletakkan tanda harga dan memastikan timbang sukat tepat," katanya yang memuat naik status dalam akaun Facebook miliknya semalam.

Saifuddin berkata, beliau bersama pegawai penguasaan kementerian akan meneruskan pemantauan secara kerap bagi menangani sebarang pencatutan dan menjaga kebijakan pengguna.

"Bagi pengguna pula, saya minta supaya laporkan kepada KPDNHEP-Laman Rasmi sekiranya mendapati sebarang kenaikan harga secara mendadak atau ketidakpatuhan terhadap undang-undang pengguna."

"Antara saluran yang boleh digunakan adalah saluran aplikasi WhatsApp kementerian iaitu 019-2794317," ujarnya.

Menurutnya lagi, diharapkan kerjasama semua pihak, kos sara hidup di Malaysia akan terus kekal berpatutan.